



Rabu, 23 Nopember 2022

Ogen: Johanis 8:1-11



Aku pe la kam ku ukum



Segedang sejarah kegeluhen, ibas tep-tep budaya menilai rendah diberu. Iakap diberu ulu dosa, diberu la meherga, sikerajangen dilaki. Erkiteken sie ate-ate dilaki nandangi diberu. Ibas tradisi Jahudi, diberu sanga langa erjabu sikerajangen bapana, kenca erjabu ikuasai perbulangenna, dikune enggo mbalu ibas anakna. Emaka lit nge pertoton kalak Jahudi 'ngataken bujur erkiteken la ia tubuh selaku anak diberu'. Ibas masyarakatta Karo pe diberu megati la iakap meherga, di беру itukur, sikerajangen perbulangenna, emaka banci saja iulihkenna dikune la iakapna pas.

Erkiteken pengangkan sibage rupana, maka la sitik persoalen si lit dingin menyudutkan diberu ibas erbage hal. Termasuk renungenta wari enda, sinalahken diberu ibas kejadiin si lit. Cara masyarakat ngidah persoalen la seimbang. Diberu siiukum ras ibenteri rikutken tradisi masyarakat. Banci kin sekalak ngenca erlua-lua, ija temanna si erlua-lua e, ngkai maka la iukum? Payo, situhuna kejadiin enda atena nidingi Jesus lako erbahan ukumen tapi perukurena tuhu-tuhu ikuasai si la payo.

Jesus la ngukum diberu e, erkiteken la lit sekalak pe menaken mentersa sabab kerina ia nggejab maka sad ape ia la erdosa. Emaka Jesus pe la ngukum tapi nehken pedah gelah nggeluh mehuli, lanai ngulahi kejadiin sibage rupa. Berita simehuli reh man kerina manusia, la erndobahen, ise pe lit hakna ngalokenca. Kalak musil, diberu perlua-lua, pinangko pe adi nggitlah ia jera ialo-alo Dibata. Rikutken reh mbarna berita simehuli e, emaka ibas jamanta enda pe tuhu-tuhu enggo ngasup ngaloken diberu setara ras dilaki. Mari kita siergan, isepe, kai pe dosana, kerina keleng ate Dibata.